

**NAŠA
STRANKA**

Politička organizacija građana „Naša stranka“
Općinski odbor Velika Kladuša
Adresa: Sulejmana Topića bb, Velika Kladuša
Telefon: 060 311 66 74
E-mail: info@kladusajenasa.org

Bosna i Hercegovina
Federacija Bosne i Hercegovine
Unsko-sanski kanton
Općina Velika Kladuša
Općinsko vijeće Velika Kladuša
n/r predsjedavajući, Admil Mulalić

PREDMET: VIJEĆNIČKA INICIJATIVA

Poštovani_e,

Na osnovu člana 7. Poslovnika Općinskog vijeća Općine Velika Kladuša kojim se propisuje pravo vijećnika da podnosi inicijative, koje se odnose na rad Općinskog načelnika i službi za upravu u izvršavanju zakona, drugih propisa i općih akata Općinskog vijeća, kao i na rad institucija koje imaju javna ovlaštenja, upućujem vijećničku inicijativu za **uvođenje prakse objavljivanja konkursa i rezultata konkursa svih općinskih javnih preduzeća i ustanova na službenoj internet stranici Općine i na javnom lokalnom mediju (JP RTV Velika Kladuša)**. Traži se od Općinskog načelnika i nadležne službe da u roku od 30 dana izrade smjernice koje definišu ovu praksu i upute ih na razmatranje vijeću.

O B R A Z L O Ź E N J E:

Netransparentna konkursna procedura, sumnje u namještanje konkursa i zapošljavanje na osnovu političke podobnosti u javnom sektoru predstavljaju neke od ključnih faktora zbog kojih BiH zauzima neslavne pozicije u Europi po indeksu percepcije korupcije. Slika o visokom nivou prisutnosti korupcije pri zapošljavanjima u državnim institucijama, javnim ustanovama i preduzećima prisutna je u svim dijelovima države i na svim nivoima uprave. Primjera koji potkrepljuju sumnje građana u korupciju pri zapošljavanjima u javnom sektoru imali smo i imamo i u našoj lokalnoj zajednici. Jedan od posljednjih je i konkurs za radno mjesto u JP VIK Velika Kladuša koji je objavljen u dnevnom listu koji, sa sigurnošću možemo tvrditi, ima jednocifren broj čitatelja u Velikoj Kladuši.

Dokidanje ove prakse, odnosno eliminacija korupcije iz procesa zapošljavanja u javnom sektoru, nije nimalo jednostavan ni brz proces, ali je neophodno učiniti svaki mogući korak na svakom nivou kako bi se korupcija barem dijelom suzbila. Mišljenja sam da bi uvođenje prakse objavljivanja konkursa i rezultata konkursa svih općinskih javnih preduzeća i ustanova na službenoj internet stranici Općine bio taj korak ka transparentnijem procesu konkursnih procedura i, ako ništa drugo, napravio pritisak ka tijelima koja provode konkurs na način da bi ista bila pod povećanim nadzorom javnosti. Također, čak i u onim konkursnim procedurama kod kojih nema elemenata korupcije, praksa koju predlažem bi doprinijela povećanju konkurencije za radno mjesto, a time pružila mogućnost poslodavcu da kroz konkursnu proceduru dobije što kvalitetnijeg uposlenika za upražnjeno radno mjesto.

Ime i prezime: Amir Purić
Klub vijećnika_ca Naše stranke

Velika Kladuša, 18.02.2021.